



Bilten 3

AVGUST/SEPTEMBAR 2022

**Izdavač: Centralna
izborna komisija
BiH**

**Danijela Ozme 7
71000 Sarajevo**

**E-mail:
kontakt@izbori.ba**

Bilten Centralne izborne komisije Bosne i Hercegovine

Elektronsko izdanje BROJ 3, avgust/septembar 2022. godine

Izdavač:

Centralna izborna komisija Bosne i Hercegovine

Danijela Ozme 7

71 000 Sarajevo

Za izdavača:

Dr. Suad Arnautović

Urednik:

Maksida Pirić

Redakcija:

Goran Mišković

Jakuf Subašić

Ermin Kos

Mišo Krstović

Hasida Gušić

Prilozi stručnih službi Sekretarijata CIK BIH

Centralna izborna komisija Bosne i Hercegovine je u avgustu i septembru 2022. godine održala 18 sjednica sa 299 tačaka dnevnog reda.



Sjednice Centralne izborne komisije Bosne i Hercegovine se mogu pratiti UŽIVO ili pogledati naknadno na

www.izbori.ba

ili na

<https://www.youtube.com/c/IZBORIBIH>



Centralna izborna komisija Bosne i Hercegovine je na 37. sjednici održanoj 04.08.2022. godine donijela Odluku o utvrđivanju i objavi broja birača upisanih u izvod iz Centralnog biračkog spiska za glasanje izvan BiH za Opće izbore 2022. godine prema kojoj se u izvodu nalazi 69.872 birača.

Na istoj sjednici je donesena i odluka kojom se odbija upis u izvod iz Centralnog biračkog spiska za glasanje izvan BiH za 10.749 osoba.

Žalbe na navedene odluke mogle su se podnijeti Apelacionom odjeljenju Suda BiH do subote, 06.08.2022. godine do 24:00 sati.

Centralna izborna komisija Bosne i Hercegovine je, pored ostalog, na 38. sjednici održanoj 08.08.2022. godine donijela Odluku o određivanju biračkih mjesta za glasanje u diplomatsko-konzularnim predstavništvima Bosne i Hercegovine prema kojoj će biti organizirano glasanje na 21 biračkom mjestu u 15 država.





Dana 08.08.2022. godine je u štampariji „Unioninvestplastika“ d.d. Sarajevo počelo štampanje glasačkih listića za opće izbore 2022. godine u BiH.

Štampanje oko 14 miliona glasačkih listića košta oko 1,5 miliona KM a utrošeno je oko 120 tona papira sa vodenim žigom.

Početak štampanja glasačkih listića ozvaničen je prigodnim obraćanjem javnosti dr. Suada Arnautovića, predsjednika Centralne izborne komisije BiH.

Dr. Arnautović je u prvi plan istakao sigurnost procesa i nadzor nad procesom štampanja ipakovanja glasačkih listića.



Centralna izborna komisija BiH je 08. i 09. avgusta 2022. godine, u okviru priprema za održavanje Općih izbora zakazanih za nedjelju, 02.10.2022. godin, održala edukaciju predstavnika ovjerenih političkih subjekata za trenere izbornih posmatrača i trenere osoba koje će biti ovlaštene za podnošenje prigovora i žalbi.

Tokom edukacije detaljno je predstavljen način rada članova biračkih odbora i u tom smislu prava izbornih posmatrača.

Članovi Centralne izborne komisije BiH dr. Irena Hadžiabdić, Vanja Bjelica-Prutina i Jovan Kalaba su 10.09.2022. godine u Banja Luci održali radni sastanak sa članovima Gradske izborne komisije Banja Luka i predstavnicima Gradske uprave Grada Banja Luka.

Povod sastanka je bio blagovremeno rješavanje eventualnih problema u radu Gradske izborne komisije Banja Luka. podršku očekuje od organa vlasti Grada Banja Luka.



Centralna izborna komisija Bosne i Hercegovine je na 39. sjednici održanoj 11.08.2022. godine, pored ostalog, donijela četiri odluke o sankcioniranju političkih subjekata zbog kršenja odredbi člana 16.14 stav (3) Izbornog zakona BiH.

Prema odredbama člana 16.14 stav (3) Izbornog zakona BiH **zabranjeno je vođenje plaćene izborne kampanje** putem elektronskih i printanih medija, ili bilo kojeg oblika plaćenog javnog oglašavanja, osim održavanja internih skupova organa i statutarnih tijela političkih subjekata, **u periodu od dana raspisivanja izbora do dana službenog početka izborne kampanje**. U skladu sa Uputstvom o rokovima i redosljedu izbornih aktivnosti za Opće izbore 2022. godine službeno izborna kampanja počinje 02. septembra i traje do početka izborne šutnje, odnosno do 01. oktobra 2022. godine do 07:00 sati.



Navedenu sjednicu možete pogledati na youtube kanalu Centralne izborne komisije BiH <https://www.youtube.com/watch?v=IV-Zy3d2Gyw>.



U okviru projekta kojeg Centralna izborna komisija BiH realizira uz podršku Udruženja izbornih zvaničnika u BiH i ambasade Švicarske u BiH u period od maja do novembra 2022. godine biće objavljeno 14 podcasta “Opći izbori 2022. godine”. U avgustu i septembru 2022. godine objavljena su četiri podcasta u kojima su gosti govorili o informisanju birača, pravilima ponašanja u izbornoj kampanji, pravima i obavezama biračkih odbora i o nadležnostima Glavnog centra za brojanje. Sve intervjue možete pogledati na: <https://www.izbori.ba/?Lang=3&CategoryID=1222>

Iz štamparije “Unioninvestplastika” d.d. Sarajevo je 18.08.2022. godine poštanskom operateru JP BH Pošta d.o.o, uz policijsku pratnju, predato 6.694 glasačkih paketa za birače koji na Općim izborima u BiH koji će se održati u nedjelju, 02.10.2022. godine glasaju van BiH putem pošte.

Ostatak glasačkih paketa je nakon rješavanja žalbi, blagovremeno upućen biračima koji glasaju putem pošte.



U periodu od 29.08. do 02.09.2022. godine edukativni timovi Centralne izborne komisije Bosne i Hercegovine su, u skladu s Planom i programom obavezne edukacije članova organa za provođenje Općih izbora u Bosni i Hercegovini 2022. godine, održali edukaciju općinskih i gradskih izbornih komisija i Izborne komisije Brčko Distrikta BiH.

Obuka se sastojala od teorijskog i praktičnog dijela o procedurama glasanja brojanja glasova, te o načinu izvještavanja Centralne izborne komisije BiH.




Edukaciju su vodili članovi Centralne izborne komisije BiH Vanja Bjelica-Prutina, dr. Ahmet Šantić, Jovan Kalaba Željko Bakalar koji su izvjestili Centralnu izbornu komisiju BiH da je obuka protekla u najboljem redu da su članovi komisija pokazali veliki interes i spremnost za uspješnu realizaciju svih aktivnosti na pripremi održavanju Općih izbora u BiH 2022. godine.

U periodu od 05. do 09.09.2022. godine Centralna izborna komisija BiH je transportovala sav neosjetljivi izborni material u sve općine i gradove u Bosni i Hercegovini. Neosjetljivi glasački material čine kandidatske liste (posteri), plakati, glasačke kabine i dio potrošnog materijala (olovke, stikeri, gumice i slično).



Centralna izborna komisija Bosne i Hercegovine je 07.09.2022. godine ugostila delegaciju Ad Hoc Komiteta Parlamentarne skupštine Vijeća Evrope (PSVE) za posmatranje Općih izbora u BiH koju je predvodio predsjednik Ad Hoc Komiteta PSVE Stefan Schennach.

Centralna izborna komisija Bosne i Hercegovine je 08.09.2022. godine završila višednevnu edukaciju kontrolora izbornih rezultata za Opće izbore 2022. godine.



Svaka izborna komisija osnovne izborne jedinice (općinske, gradske i Izborna komisija Brčko Distrikta Bosne i Hercegovine) mora imati najmanje dva kontrolora izbornih rezultata i oni ih imenuju na period od pet godina.

Polaznicima je na praktičan i teoretski način prezentiran način unosa i obrade izbornih rezultata u aplikaciju Jedinstveni informacioni izborni sistem sa ciljem da budu osposobljeni za samostalan rad na unosu i obradi izbornih rezultata.

Obuka je održana online putem ZOOM platforme a snimak obuke dostupan je na linku:

<https://www.youtube.com/watch?v=wtGyvr-dNsU&t=2s>



Na osnovu Odluke o načinu izrade, obliku i sadržaju, čuvanju, upotrebi i uništavanju štambilja kojim se utiskuju glasački listići na Općim izborima u Bosni i Hercegovini zakazanim za 02.10.2022. godine, zahvaljujući finansijskoj podršci Vlade Ujedinjenog Kraljevstva, kroz prijekat koji realizira Udruženje izbornih zvaničnika u BiH, firma „Mojić“ d.o.o. iz Bijeljine, koja je generalni zastupnik za Bosnu i Hercegovinu kompanije Trodat iz Austrije, završila je izradu oko 6.000 sigurnosnih ekoloških štambilja za svako biračko mjesto u Bosni i Hercegovini i u diplomatsko-konzularnim predstavništvima BiH u kojima će biti organizirano glasanje.

Uz policijsku pratnju i nadzor, kao i uz pratnju i kontrolu ovlaštenih osoba iz Centralne izborne komisije BiH, štambilji su 08.09.2022. godine iz Bijeljine transportovani u skladište Centralne izborne komisije BiH u Istočnom Sarajevu, odakle su zajedno sa osjetljivim izbornim materijalom dostavljeni općinskim/gradskim izbornim komisijama.

Centralna izborna komisija Bosne i Hercegovine je i za Opće izbore u Bosni Hercegovini 2022. Godine aktivirala SMS centar za provjeru biračkog mjesta i on je pušten u funkciju 12. septembra 2022. godine za sve telekom operatere u Bosni i Hercegovini. Slanjem jedinstvenog matičnog broja na broj telefona 091 121212, telekom operater vraća poruku koja sadrži broj, lokaciju i grad gdje se nalazi biračko mjesto. Centralna izborna komisija BiH je pozvala sve birače u BiH da prije dana izbora provjere broj i lokaciju svog biračkog mjesta.

BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO



БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА

POŠALJI PORUKU I PROVJERI BIRAČKO MJESTO

091 12 12 12

Da li ste registrirani birač i gdje glasate, provjerite putem SMS poruke slanjem svog JMB na gornji broj telefona.

Cijena jednog poziva 0,10 KM + PDV





Centralna izborna komisija Bosne i Hercegovine je početkom septembra pokrenula i informativnu kampanju pod nazivom “Kako glasati?”.

Cilj ove kampanje je bio upoznati državljane Bosne i Hercegovine sa biračkim pravom, na koji način mogu glasati i kako ispravno popuniti glasački listić.

Objavljen je i video spot “Kako glasati?” kojeg možete pogledati nalinku:

<https://www.youtube.com/watch?v=u6eIqrfwY98>

Centralna izborna komisija Bosne i Hercegovine je 14.09.2022. godine uputila apel da se ne zloupotrebljavaju djeca u izbornoj kampanji.

Najbolji interesi djece, na koje djeca imaju parvo, obavezuju da se djeci i u izbornoj kampanji obezbjedi potrebna zaštita, a to znači da se djeca ne koriste u kampanji za ostvarivanje ciljeva odraslih, već da se njihove potrebe prepoznaju u programima političkih stranaka.



Dana 15.09.2022. godine je održan prvi operativni sastanak predstavnika Centralne izborne komisije BiH, Kantonalnog tužilaštva Kantona Sarajevo i Ministarstva unutrašnjih poslova Kantona Sarajevo.

Dogovorena je saradnja na razmjeni operativno značajnih podataka i pravovremena reakcija za prijave koje se odnose na zloupotrebu biračkog prava tokom Općih izbora u Bosni i Hercegovini 2022. godine.



Centralna izborna komisija Bosne i Hercegovine je u svom radu u potpunosti otvorena prema javnosti i transparentan rad je jedan od prioriteta ove državne institucije.

Od 19.09.2022. godine javnost ima uvid u pregled primljenih prigovora i žalbi u izbornom period dostavljenih Centralnoj izbornoj komisiji BiH sa naznačenim statusom istih.

Pregled je dostupan na web stranici Centralne izborne komisije BiH na linku:

<https://www.izbori.ba/Default.aspx?Lang=3&CategoryID=1179&PodmId=1191>

Delegacija Centralne izborne komisije Bosne i Hercegovine koju su činili predsjednik dr. Suad Arnautović i članovi dr. Irena Hadžiabdić i Željko Bakalar boravila je 21. i 22.09.2022. godine u Tirani na dvodnevnoj radionici o izazovima elektronske identifikacije birača koju je organizirao OSCE-ov Ured za demokratske institucije i ljudska prava (ODIHR) u okviru OSCE/ODIHR-ovog Projekta „Podrška izbornim reformama na Zapadnom Balkanu“.



Predsjednik Centralne izborne komisije Bosne i Hercegovine dr. Suad Arnautović je u svom referatu predstavio portal e-Izbori i aktivnosti Centralne izborne komisije BiH na unapređenju izbornog procesa u BiH.





U skladu sa Planom Centralne izborne komisije Bosne i Hercegovine o dostavi izbornog materijala u period od 25. do 29.09.2022. godine je obavljena distribucija osjetljivog izbornog materijala, u koji spadaju I glasačkilistići, prema općinskim/gradskim izbornim komisijama u BiH.

Općinske/gradske izborne komisije predaju izborni material biračkimodborima dan prije, a najkasnije 12 sati prije otvaranja biračkih mjesta.

Visoki predstavnik međunarodne zajednice u Bosni i Hercegovini Christian Schmidt sa saradnicima je 26.09.2022. godine prvi put od preuzimanja dužnosti posjetio Centralnu izbornu komisiju BiH gdje se sastao sa predsjednikom i članovima Centralne izborne komisije BiH. Razgovarano je o organizaciji i provedbi Općih izbora 2022. godine u BiH.



Centralna izborna komisija Bosne i Hercegovine je 29.09.2022. godine održala konferenciju za novinarena kojoj su javnosti saopćene sve osnovne informacije bitne za Opće izbore u Bosni i Hercegovini zakazane za nedjelju 02. oktobra 2022. godine.



Press konferenciju možete pogledati na youtube kanalu centralne izborne komisije BiH na linku:

https://www.youtube.com/watch?v=eVU2-iO_aNI

Predsjednik Centralne izborne komisije Bosne i Hercegovine dr. Suad Arnautović je 30.09.2022. godine posjetio Direkciju za koordinaciju policijskih tijela BiH gdje se sastao gđinom Mirsadom Vilićem, direktorom Direkcije za koordinaciju policijskih tijela BiH.



Tema sastanka je bila sigurnosni aspect provedbe Općih izbora 2022. godine u BiH.

Gđin Vilić je naglasio da pripadnici Direkcije za koordinaciju policijskih tijela u BiH, u saradnji sa svim partnerskim agencijama za provođenje zakona u BiH, provode mjere i radnje planiranom dinamikom u skladu sa Okvirnim planom izbornog procesa za provedbu Općih izbora 2022. godine.

Direktor Direkcije za koordinaciju policijskih tijela BiH Mirsad Vilić je predsjedniku Centralne izborne komisije BiH dr. Suadu Arnautoviću uručio Zahvalnicu i Plaketu za profesionalan odnos i uspješnu saradnju ove dvije institucije.



Pošaljite nam Vašu mail adresu na kontakt@izbori.ba sa naznakom "Za prijem Biltena Centralne izborne komisije BiH" i novi broj Biltena Centralne izborne komisije BiH će Vam biti dostavljen.

KRAJ